

TSWVYIM LOS NTAWM VAJ NTSUJPLIG

Spiritual Gifts

Zaajqha 2 - Efexaus 4:1-16

Tswvyim Ntawm Vaaj Ntsujplig Yog Paab Kuas Pawg Ntseeg Lujhlab Zoo

Thaus peb Moob tsi tau lug ntseeg Vaajtswv mas peb ua neej lawv le tug txivneeb has. Tomqaab nwg ua neeb taag, nwg has le caag tes peb ua le ntawd. Nwg kuas peb caiv pistsawg nub los peb caiv. Nwg kuas peb tua tug tsaj twg rua nwg rov tuaj ua lwm thaaj neeb los peb ua le ntawd.

Tomqaab peb lug ntseeg Vaajtswv lawm, peb tseem pheej coj tug coojpwm ntawd. Txhua yaam peb muab tso rua xwbfwb ua. Tej namtxiv, txivtsev, hab tej hluas tsi muaj feem ua Vaajtswv dlejnum dlaabtsi hlo lem.

Tab sis lawv le Efexaus 4:1-16 qha mas, txhua tug ntseeg yuavtsum ua Vaajtswv dlejnum. Nyeem kuas taagnrho qhov Vaajlugkub nuav uantej koj teb cov lug nug. Thaus koj teb cov lug nug, rovqaab moog saib cov nqai Vaajlugkub ntawd zoo-zoo uantej koj teb.

1. Nqai 1-3. Vaajtswv hu peb lug ua lub neej lecaag hab yuav uacaag peb txhaj ua tau lub neej zoo le ntawd?

2. Nqai4-6. Yog uacaag peb txhaj yuavtsum ua lub neej sis humxeeb?

3. Nqai 7 has tas Vaajtswv muab moov hlab (grace) rua peb sis txawv. Ib tug tau lawm ib yaam, vim le ntawd peb txhaj nyag muaj nya tswvyim ua Vaajtswv dlejnum. Cov tswvyim kws Vaajtswv muab rua cov ntseeg ntawm

nqai 11 muaj pistsawg yaam hab yog dlaabtsi?

- (1) _____
- (2) _____
- (3) _____
- (4) _____
- (5) _____

4. Nqai 12-13. Vaajtswv muab cov tswvyim ntawd rua qee leej kuas puab siv ua dlaabtsi?

5. Koj ntseeg has tas ntawm plaub-tsib lub tswvyim nuav koj taulub tswvyim twg? Yog uacaag koj txhaj ntseeg has tas koj tau lub tswvyim ntawd?

6. Nqai 14-16. Thaus cov ntseeg txawj ua Vaajtswv dlejnum le nuav lawm, pawg ntseeg yuav zoo lecaag?

7. Koj xaav has tas peb pawg ntseeg puas ua tau le nqai 14-16 nuav has? Yog uacaag koj txhaj has le? Yog yuav txhimkhu nua yuav txhimkhu lecaag?

Nqai 8-10 has txug ib yaam kws tsi totaub yoojyim. Txawm cov tub txawg rua saab Vaajlugkub los ib tug totaub lawm ib yaam. Qhov kws totaub zoo zog mas yog has tas thaus Tswv Yexus tusav lawm, Nwg tau moog rua huv qhov chaw kws Anplahaas, Laxalus, hab tug npluanuj nyob (Lukas 16). Qhov ntawd muab suav tau has tas yog qhov chaw kws kaw tej tuabneeg tuag cov ntsujplig (*prison*) tog txug nub Yexus lug theejtxhoj. Tswv Yexus tau moog qha Txuj Moo Zoo rua cov tuabneeg kws tuag taag thaus dlej nyaab nplajteb tam Nau-es nyob ntawd. Tomqaab ntawd Tswv Yexus txhaj tso cov kws nyob ntawm Anplahaas xubndlag moog sau ntuj ceebtsheej lawm. Vim le ntawd 2 Kaulithaus 5:8 hab Filipis 1:23 txhaj has tas tam nuav cov ntseeg kws tuag lawm tug ntsujplig tau ncaajnraim moog nrug Yexus Khetos nyob lawm. Vim le ntawd 1 Thexalaunikes 4:14 txhaj has tas thaus Tswv Yexus rov lug Nwg yuav coj cov tuabneeg tuag lawm tej ntsujplig nrug Nwg lug.